

## *An Kirstens*

*Maria Agnes Pinn*

Nächs em Trohm soch ech janz klohr,  
Tant Liss iere Lade, wie deh fröher wohr.  
Foffzich Johr jonger un Lost op Kamelle,  
Moht mech noch op de Ziene stelle,  
Ömm an die schruuß Jelaser ze schn,  
All Sohrte Klömpscher, bont un schüen.  
Doch ze iescht sollt ech für Motter kohfe,  
Dat se üß dr Ärbet net bruch ze lohfe.  
Für e paar Eier krech mer Hering üß dem Faß,  
En de Zeidong jeweckelt, en Umweltspaß.  
Die jof wier jelese, un dann op dr Kloh,  
Trotzdem wohr alles jesond un froh.  
Mehel, Salz un Zucker kohm üß dem Sack,  
Nömme Rahmkamelle, die wohre verpackt.  
Essich un Öhl stohn en Korfflasche do,  
Nuddele un Schreeßmehl rutscht em Schößje noh.  
Sämtlich Aromen un Jewürze all,  
Stohne fein sortiert op dem Rejal.  
De Heffe krisch mer noch em Pont,  
Zirop üß dem Ejmer, de wohr jesond.  
Klatschkäs loss jow et en dr Schottel,  
Konnt mer net bezahle, da jow jetottelt.  
Mostert em Ejmer, souere Kappes em Faß,  
Loss Haferflocke, Kaffee und och Ersatz.  
Wollsträng, Öse, Knöf un Zwierr,  
Von alle Färwe un jedem Sortier.  
Tiertich, Lengend un Manchester,  
Schürzestoff un Samt für Wester,

Passend Bänder un Zackelitz,  
 Exta stärk Hälepe möt jodem Setz.  
 Schreifpabier un Ansichtskarte,  
 Schiefertafel un Schriffel aller Arte.  
 Sujahr loss Tent für en et Faß,  
 Un Sackdöcher für jed Nas.  
 Flejefänger, Streichholz un Kerze,  
 Priem un Strangtuback zum schwärze.  
 En Tonn möt Lengollich un Petroleum,  
 Schohfett un Wichs, en schwarz un brong,  
 Zenkejmere, Zöim un Schmecke,  
 Stohne mött de Säbüttcher em Ecke.  
 Heukrohpe, Jaffele, Mellichsej un Hacke,  
 Schöppen un Äxt mött Still, fein schnacke...  
 Jelahs, Porzelleng un allem Housroht,  
 Vom Schrompersmetz böß Kahmerpott.  
 Rasierpinsele, Kämm, Seef, Zahnpasta,  
 Puder un Krähm woher Kosmetik, basta.  
 Könnerrflasch un Nüggel och,  
 Alles, wat en Dorfmensch bruch!

Ech hat jekohft, Tant Liss schriff op,  
 Un zull dat janze noch em Kopp,  
 Saache für elef Mark nöngunvierzich,  
 De ejne Penning woher da für mech,  
 Dat jofe der Ömberkamelle drej,  
 Tant Liss doht do noch zwei dobej.  
 Meng Jeschwister wahten alt derhejm,  
 Et krisch jenau schrat jeder ejn.

Dat woher e Fest, jed Kier mooß ech sohn,  
 En Tant Liss iere Lade kohfen ze john.